



Haurreskoletan haurrak onartzeko arautegia eta prozedura

ONARPEN-PROZEDURAREN ARAUTEGIA

04/03-2016 Erabakia, 2016ko martxoaren 15ekoa, Haurreskolak Partzuergoko Zuzendaritza Batzordearena. Honen bidez, Haurreskolak Partzuergoko haurren onartze-arauak eta irizpideak onartzen dira 2016ko irailetik aurrera.

Hezkuntza, Unibertsitate eta Ikerketa Sailak 2008ko martxoaren 6an argitaratu zuen martxoaren 4ko 35/2008 Dekretua, Euskal Autonomia Erkidegoko Haur Hezkuntza, Lehen Hezkuntza, Bigarren Hezkuntza, Batxilergo eta erdimaileko eta goi-mailako Lanbide Heziketako herri ikastetxeetan eta itunpeko ikastetxe pribatuetan ikasleak onartzeko prozedura arautzen duena, eta, besteak beste, Haur Hezkuntzako Lehen zikloko ikasleak onartzeko prozeduraren araudia ezartzea du helburu.

Haurreskolak Partzuergoa erakunde publikoa da eta, araututako gaitan, Eusko Jaurlaritzak emandako araudien mende dago; arautu gabeko gaitan, berriz, Haurreskoletako Zuzendaritza Batzordeak ezartzen ditu irizpideak eta jarraibideak, hala nola izena emateko egutegia.

"Ikastetxeko organo eskudunak ezarritako beste egoera adierazgarri batzuk. Egoera horiek irizpide objektiboek jarraituz ezarri behar dira, eta eskaerak aurkezteko epea hasi baino lehen argitaratu" atalean, Zuzendaritza Batzordeak gurasoen lan-egoera kontuan hartzea erabaki du, Haurreskolak Partzuergoaren helburuetako bat baita familia- eta lan-bizitza bateratzea

Horregatik guztiatik, haurrak onartzeko prozeduraren egutegia eta arauak ezarri behar dira Haurreskolak Partzuergoaren mende dauden haurreskoletarako.

Haurreskolak Partzuergoko Gasteizko Haurreskoletan, Vitoria-Gasteizko Udalaren eta Haurreskolak Partzuergoaren arteko lankidetzaren hitzarmenean zehazturiko onartze irizpide eta arauak aplikatuko dira, lehiatila bakarraren bitartez.

1. Artikulua: Izena emateko epeak:

Dagokion adin tartean plaza hutsak badaude eta haurra berehala hasteko bada:

- Haurreskolan eskainitako plaza guztien %75 edo gutxiago hartuta badago, izena emateko epea etengabe egongo da irekita.
- Haurreskolan eskainitako plazen %75 baino gehiago hartuta badago berriz, izena emateko ezarritako epeak bete egingo dira. Kasu guztietan beteko da izena emateko maiatzeko epea, haurra irailean, urrian eta azaroan hastekoa bada.

Eskaerak ezarritako epean egin behar dira. Eskaerak egiteko, inprimaki-eredu ofiziala bakarrik aurkez daitezke eta haurreskolan bertan doan jaso ahal izango da.

Eskariak aurkezteko epean, eskatzaile bakoitzak haurreskola bakarrean egin behar du eskaera. Eskariak aurkezteko epe berean Haurreskola batean baino gehiagotan eskaera eginez gero, eskatzaileak aukera-eskubideak galduko ditu.



Lehen aukera gisa eskatutako haurreskolan aurkeztuko da eskaria.

Ezarritako epea iritsi baino lehen ez da eskaririk onartuko.

Eskari-inprimakiarekin batera, atxikita aurkeztuko dira baremoan aintzat hartutako egoerak egiaztatzen dituzten dokumentuak. Eskariak onartzeko epea itxi eta gero, ezin izango da dokumentu gehiago aurkeztu.

Atal edo azpiatalen batean puntuak lortzeko behar den dokumentuetako bat aurkezten ez bada, batere punturik gabe geldituko da atal edo azpiatal hori; dena den, horrek ez du eskaria baliogabetzen, ezta beste atal edo azpiataletan lortutako puntuak ere.

Izena emateko, hiru epe ezarri dira:

1. Maiatzean, haurreskolan irailean, urrian eta azaroan hasiko diren haurrentzat.
2. Urrian, haurreskolan abenduan, urtarrilean eta otsailean hasiko diren haurrentzat.
3. Urtarrilean, haurreskolan martxoan, apirilean, maiatzean eta ekainean hasiko diren haurrentzat.

2. Artikulua: onartze irizpide orokorrak:

2.1 Izen ematearekin batera ezinbestekoa da aurretiko kuota ordaintzearen ziurtagiria aurkeztea, zeina 91€koa den. Ziurtagiri hau dagokion izen emate epean aurkezten ez bada, izen ematea ez da onartuko. Haurra itxaron zerrendan geratzen bada behin betiko zerrendan, ordaindutako zenbatekoa itzuliko da. Izen emate orrian adierazitako haurreskolaren batean plaza esleitzen bazaio (izen emate orriko 1. atala), ez da ordaindutako zenbatekoa itzuliko, Haurreskolak Partzuergoak aztertuko dituen salbuespenak izan ezik: langabezi egoerak edo haurraren osasun egoera larriak edo ospitalizazioa eragiten dutenak, beti ere egoera hauek aurretiko kuota ordaindu ondoren eta haurra haurreskolan hasi aurretik ematen badira.

Egoera hauek ziurtatzea beharrezkoa izango da.

2.2 Haurreskola batean dagokion adin tartean plaza hutsik ez badago, izenemate epea ez da irekiko adin tarte horretarako.

2.3 Aurreko ikasturtean matrikulatuta dauden haurrek ez dute berriz ere eskaria egin behar, beren plaza automatikoki bermatzen baitzaie izena emateko maiatzeko epearen aurretik hala eskatu duten familiei.

2.4 Matrikulatuta dauden baina haurreskolaz aldatu nahi duten haurrek, berriz, prozesu honetako eskaria egin beharko dute prozedura berbera jarraituz. Beste haurreskola batzuetatik datozen haurrak onartutako behin betiko zerrendetan sartzen badira, galdu egingo dute jatorrizko haurreskolan zuten plaza.

2.5 Oraindik jaio ez direnak ezin izango dira inskribatu.



- 2.6 Izena ematean eta haurrak noiz hasiko diren finkatzean, derrigorrezkoa izango da haurreskolan hastean haurrek 16 aste beteta izatea.
- 2.7 Urtarrileko izen-ematearen eperako jaio ez diren haurrak eta eskaerak egiteko epea pasa ondoren jaiotzen direnak, onartu ahal izango dira haurreskoletan, baldin eta adin horretako haurrentzat plazarik badago. Era berean, urtarrileko izen emateko behin betiko zerrendak argitaratu ondoren jasotzen diren izen emateak kudeatuko dira, martxotik ekainera bitartean hastekoak badira eta adin tarte horretarako plazarik badago.
- 2.8 Izen-ematearen kanpo jaiotako haurrek plaza lortzeko aukera izango dute, dagokion atalean zehaztutako protokoloa eta epeak jarraituz.
- 2.9 Bajan emandako haurrek Haurreskolak Partzuergoan berriro izena eman nahi badute 3 hilabete edo gutxiagoko epean, izen-ematea onartuko zaie, baldin eta banku-transferentziaren bidez hilabete horien ordainketa egiten badute, Haurreskolak Partzuergoak aztertuko dituen salbuespenak izan ezik: langabezi egoerak edo haurraren osasun egoera larriak edo ospitalizazioa eragiten dutenak. Egoera hauek ziurtatzea beharrezkoa izango da.
Bajak ondorio ekonomiko eta antolakuntzakoak izango ditu baja egunaren hurrengo hilabetetik aurrera.
- 2.10 Azaroaren 16ko 215/2004 dekretuaren amaierako xedapena garatzen duen 2008ko apirilaren 10eko aginduan jasotzen denaren arabera, Haurreskolak Partzuergoak landagune edo hirigune moduan kalifikatutako guneetan adin desberdinetako haurrak taldekatzeko eskumena izango du. Taldekatze hauek gehienez ere 10 haurretakoak izango dira.
- 2.11 Hezitzaile bat lanaldi osoarekin eta beste bat lanaldi erdiarekin kontratatuko da gela bakoitzeko, gelak 4 haur besterik ez duenean izan ezik, kasu honetan hezitzaile bakarria kontratatuko da.
- 2.12 3 haur baino gutxiagorekin ez da Haurreskola zabalduko.
- 2.13 Haurreskola batean 4 haur baino ez badira, ez da zazpi ordu baino gehiago irekiko.

3. Artikulua: Eskaria barematzeko irizpideak:

Baldin eta eskari guztietarako behar adina plaza ez badago, honako irizpide hauek, denak batera, hartuko dira aintzat haurrak onartzeko:

3.1. Familia-unitatearen urteko errenta. (Azpiataletako puntuak batu daitezke atalaren gehieneko puntuazioa lortu arte)

- Diru-sarrerak 42.000 € edo gutxiago: 0,5 puntu.
- Diru-sarrerak 25.200 € edo gutxiago: puntu 1.
- Diru-sarrerak 8.400 € edo gutxiago: 1,5 puntu.
- Eskatzailea ez den adin txikiko seme-alaba bakoitzarengatik: 0,25 puntu.
- Atal honetako gehieneko puntuazioa: 3 puntu.



Aipatutako puntuazio hori lortzeko, familia-unitateko kide guztien 2014ko Ekitaldi Fiskaleko Zerga Oinarri Orokorrei dagozkien diru-sarrerak hartuko dira kontuan. Familia-unitateko kide guztien urte horretako Errenta Aitorpenaren kopia aurkeztu beharko dute edo, hala badagokie, baterako Aitorpenaren kopia. Zerga-arauek ezarritakoari jarraituz familia-unitateko kideren batek urte horretako Errenta Aitorpena egin ez badu, dagokion Ogasunak emandako ziurtagiri eguneratua¹ (aitorpena egin ez izanarena) diru sarrerak zehaztuz aurkeztu beharko da.

Familia-unitatea osatzen duten kide guztiek errenta aitorpena egin ez badute, dagokion administrazioak emandako ziurtagiria, 2014 urtean jaso dituen edo dituzten errenta guztiak eta PFEZari egotzi dakizkioken errendimenduak adierazten dituen.

Akordio honen aurreko ataletan, familia-unitatetzat hartuko da pertsona fisikoen errentaren gaineko zerga arautzen duten foru-arauetan kontuan hartzen den bera. Ezkontzaren balioabetasuna, banantzea, dibortzioa edo izatezko bikoteen desegitea gertatu bada, haurraren zaintza (epailearen erabaki irmoz edota hitzarmen arautzailez) bere gain duen pertsonaren errentak soilik hartuko dira aintzat. Berdin jokatu da epai-tutoretzarik, familia-harrerarik edo antzeko babes-neurririk izanez gero, haur adingabearen zaintza gurasoak ez diren pertsona fisikoen gain dagoenean. Tutoretza Administrazio publiko baten gain badago, gehieneko puntuazioa emango da atal honetan.

Anaia-arreben kopurua familia-liburuaren kopia baten bidez egiaztatuko da, eta adin txikiko anaia-arrebak bakarrik hartuko dira kontuan.

3.2. Bizilekuaren gertutasuna (Kontzeptu hauek ez dira metagarriak).

- Eskatutako haurreskolaren udalerrian izatea haurraren bizilekua: 5 puntu.
- Eskatutako haurreskolaren udalerrian izatea aitaren, amaren edo lege ordezkariaren lantokia: 2 puntu (Puntu horiek bateraezinak dira haurraren aita, ama edo lege-tutorea eskatutako haurreskolan lan egiteagatik ematen diren puntuekin).
- Atal honetako gehieneko puntuazioa: 5 puntu.

Haurra eta aita, ama edota legezko tutorea bizi diren etxea joko da familiaren bizilekutzat. Kasu horretan, haurraren eta guraso edota tutoreen errolda-agiri eguneratua¹ eta Nortasun Agiriaren (atzerritarren kasuan, Atzerritarren Identifikazio Zenbakia) kopiak aurkeztuko dira familiaren bizilekua egiaztatzeko.

Haurraren guraso izatea egiaztatzeko, familia-liburuaren kopia aurkeztuko da. Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Aitaren, amaren edota legezko tutorearen lantokia eta eskatutako haurreskola udalerrri berean badaude eskarian aurkeztean, egoera hori kontuan hartzeko aukeratu daiteke bizilekua balioetsi beharrean.

Kasu horretan, lantokia egiaztatzeko, besteren kontura ari diren langileak badira, enpresaren titularrak edo langileen arduradunak sinatutako ziurtagiri eguneratua¹ aurkeztu behar da. Agiri horrek adierazi behar du haurraren amak, haren aitak edo haren tutoreak enpresa horretan lan egiten duela. Jarduera norberaren kontura bada, jarduera ekonomikoen gaineko zergan altaren ziurtagiria edo udalak emandako irekitze-baimenaren kopia konpultsatua.



Lantokia eta haurrekola udalerrri berean egoteagatik ematen den puntuazioa zenbatzeko garaian haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da. Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondua daudela egiaztatzen duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

3.3. Anaia-arrebak haurrekolan dagoeneko matrikulatuta egotea edo aitak, amak edo legezko tutoreak haurrekolan lan egitea.

- Eskatutako haurrekolan bertan anaia-arreba bat edo gehiagorekin batera egotea: 9 puntu.
- Aitak, amak edo legezko tutoreak haurrekolan lan egitea 7 puntu.
- Atal honetako gehienezko puntuazioa: 9 puntu.

Atal honetan, adopzio aurreko egoeran nahiz harrera-egoeran dauden adingabeak ere haurrekolan matrikulatutako anaia-arrebatzat hartuko dira.

Atal honetako puntuazioa emateko, beharrezkoa izango da eskaria egin duen haurra haurrekolan anaia-arrebekin batera egotea edo izen-emate epean ama, aita edo legezko tutoreak haurrekolan lan egitea.

Haurraren anaia-arreba edo guraso izatea egiaztatzeko, familia-liburuaren kopia aurkeztuko da.

Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Atal honi dagokion puntuazioa ematerakoan, familia-unitatean legezko tutoretza-egoeran edota behin betiko nahiz adopzio aurreko familia-harrera egoeran dauden adingabeak ere anaia-arrebatzat hartuko dira.

Halaber, atal honetan ematen den puntuazioa zenbatzeko garaian, haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da. Pertsona horren seme-alabak ere anaia-arrebatzat hartuko dira haurrarekin batera bizi badira. Egoera hori dagokion errolda-agiriaren bidez egiaztatuko da.

Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondua daudela egiaztatzen duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

3.4. Familia ugariko kidea izatea.

- Maila orokorreko familia ugariko kidea izateagatik: puntu 1.
- Maila bereziko familia ugariko kidea izateagatik: 1,5 puntu.



Familia ugaria dela egiaztatzeko, estatuko edozein autonomia-erkidegok emandako agiri ofiziala aurkeztu behar da.

3.5. Haurraren elbarritasuna edo amarena, aitarena, legezko tutorea edo anaia-arrebaren batena.

Elbarritasunagaitik (Atal honetako gehienezko puntuazioa: 2 puntu)

- Haur eskatzailearena: 2 puntu.
- Haren amarena, aitarena, legezko tutorea edo anaia-arrebaren batena: puntu 1.

Atal honi dagozkion puntuak emateko, aipatutako pertsona horietako batek %33ko edo gehiagoko elbarritasuna izan behar du. Elbarritasuna bi pertsonak edo gehiagok badute ere, puntuak horietako batengatik bakarrik emango dira; beraz, gehienez, 2 puntu lortuko dira atal honetan, elbarritasuna haurrak berak badu, eta puntu bat, elbarritasuna aipatutako familiarteko batek badu.

Elbarritasuna egiaztatzeko, dagokion Lurralde Historikoko Foru Aldundiaren Gizarte Zerbitzuek edo estatuko antzeko beste organo batek emandako ziurtagiria aurkeztu behar da. Elbarritasunaren aitoren legala adierazi behar du ziurtagiri horrek eta elbarritasun-maila %33koa edo gehiagokoa dela jakinarazi.

Haurraren anaia-arreba edo guraso izatea egiaztatzeko, familia-liburuaren kopia aurkeztuko da. Haurraren tutore izatea egiaztatzeko, epaiaren kopia edota dagokion ziurtagiri ofiziala aurkeztuko da.

Atal honi dagokion puntuazioa ematerakoan, familia-unitatean legezko tutoretza-egoeran edota behin betiko nahiz adopzio aurreko familia-harrera egoeran dauden adingabeak ere anaia-arrebatzat hartuko dira.

Atal honetan ematen den puntuazioa zenbatzeko garaian, haurraren zaintza guraso bakar baten gain badago, guraso horren legezko bikotekidea ere haurraren aitatzat edo amatzat hartuko da. Pertsona horren seme-alabak ere anaia-arrebatzat hartuko dira haurrarekin batera bizi badira. Egoera hori dagokion errolda-agiriaren bidez egiaztatuko da.

Zaintza duen gurasoaren bikotekidea dela ziurtatzeko, guraso horri zaintza ematen dion epaiaren kopia aurkeztu behar da, eta biak elkarrekin ezkondata daudela egiaztatzen duen familia-liburua edota izatezko bikote direla adierazten duen ziurtagiri ofiziala ere aurkeztu behar da.

3.6. Beste egoera adierazgarri batzuk.

Aita, ama edo legezko tutoreen lan-egoera: gehienez ere 2 puntu.

- Aitak, amak edo legezko tutoreak, biak, lanean aritzea: 2 puntu.
- Guraso bakarreko familia bada, guraso bakarra lanean aritzea: 2 puntu.
- Guraso bat lanean eta bestea langabezian egotea: puntu 1.
- Bi gurasoak edo, guraso bakarreko familia bada, guraso bakar hori langabezian egotea: puntu 1.



Atal honetako puntuazioa eskuratzeko, lan bizitzaren ziurtagiri eguneratua¹ aurkeztu beharko da. Langabezian egonez gero, Euskal Enplegu Zerbitzuko (Lanbide) txartel eguneratua¹. Erregimen berezietan dauden langileen kasuan (adibidez mutualidade batean daudenak) bizitza laboralaren ziurtagiririk ez badute erregimen honetan altan daudenaren ziurtagiria aurkeztu beharko dute.

Eszedentzia egoerak kontutan hartuko dira baldin eta lan-bizitzaren ziurtagiriarekin batera enplegatzaileak emandako ziurtagirian lanpostura itzultzeko data zehazten bada eta data hori gehienez haurra haurreskolan hasi eta hilabete bat beranduagokoa bada.

Guraso bakarreko familia dela ziurtatzeko, guraso bakarra azaltzen denaren familia-liburuaren kopia edo guraso bati zaintza ematen dion erabaki judizial irmo edo hitzarmen arautzailearen kopia.

3.7. Berdinketa gertatuz gero

Aurreko ataletan lortutako puntuazio handiena hartuko da kontuan, atalak banan-banan alderatuta eta honako ordena honi jarraituz:

- a) Anaia-arrebak haurreskolan matrikulatuta egotea edo aita, ama edo legezko tutorea haurreskolan lan egitea aintzat hartzen duen atalean lortutako puntuaziorik handiena.
- b) Haurraren bizilekua edo amaren, aitaren edo legezko tutorearen lantokiaren kokalekua aintzat hartzen duen atalean lortutako puntuaziorik handiena.
- c) Haurren elbarritasuna edo amaren, aitaren edo legezko tutorearen elbarritasuna aintzat hartzen duen atalean lortutako puntuaziorik handiena.
- d) Familia ugaria izatea aintzat hartzen duen atalean lortutako puntuaziorik handiena.
- e) Familia-unitatearen urteko Errentaren atalean lortutako puntuaziorik handiena (Zerga-oinarrien batura).
- f) Abizenen eta izenaren orden alfabetikoa erabiliko da azken irizpide moduan. Letra bat zozketatuko da, eta puntuazio bereko hautagaiak letra horretatik hasiko dira alfabetikoki ordenatzen.

Erditze anitzeko kasuetan

Erditze anitzeko kasuetan baremazio prozesua burutu ondoren haur bat onartua eta bestea/k ez onartuak izanez gero, kanpoan gelditu den familia unitateko haurra onartua izango da beste haurrekin batera.

¹ Eguneratuak kontsideratuko dira baldin eta dokumentuaren data eta aurkezte dataren artean 3 hilabete baino gehiago pasatu ez badira.

4. Artikulua : Haurren Behin Behineo zerrendei erreklamazioak

Izen emate aldi bakoitzean, onartutako haurren behin behineko zerrendak argitaratu ostean, erreklamazioa aurkeztu ahal izango da horretarako egutegian ezarritako epean.



5. Artikulua: Haurren Behin Betiko zerrendei helegiteak:

Izen ematealdi bakoitzean, onartutako haurren behin betiko zerrendak eta itxaron zerrendak argitaratu ostean, gorako helegitea aurkeztu ahal izango da Haurreskolak Partzuergoko Zuzendaritza Batzordeari zuzenduta, HILABETE BATEKO epean, argitaratzearen ondorengo egunetik hasita.

2016eko maiatzeko izen-emate epea

2015 eta 2016 urteetan jaiotako haurren guraso edo legezko tutoreek Haurreskolak Partzuergoko zentroetan plaza eska dezakete.

- **Eskariak aurkezteko eta onartze-epeetarako egutegia**

Honako egutegi komun hau ezarriko da eskariak aurkezteko eta haurren onartze-prozeduraren epeetarako:

a) Eskariak entregatzea:	maiatzaren 2tik 11ra
b) Behin-behineko zerrendak argitaratzea:	ekainaren 15a
c) Erreklamazio eta subsanazio epea:	ekainaren 16tik 29era
d) Behin betiko zerrendak argitaratzea:	uztailaren 12a
Haurren hasiera-data haurreskolan:	irailaren 6a

Jaioberrien izenemateen kudeaketa (apirilaren 20tik aurrera jaiotakoak):

Apirilaren 20tik aurrera jaiotakoek maiatzaren 11tik aurrera izenematea haurreskolan aurkeztu ahal izango dute eta behin behineko edota behin betiko zerrendetara gehituko dira.

Ekainaren 30etik aurrera haurreskolan entregatzen diren jaioberrien izenemateak behin betiko zerrendak publikatu ostean (uztailak 12) kudeatuko dira, beti ere dagokion adin tartean plaza librerik balego.

2016eko urriko izen-emate epea

2015 eta 2016 urteetan jaiotako haurren guraso edo legezko tutoreek Haurreskolak Partzuergoko zentroetan plaza eska dezakete.

- **Eskariak aurkezteko eta onartze-epeetarako egutegia**

Honako egutegi komun hau ezarriko da eskariak aurkezteko eta haurren onartze-prozeduraren epeetarako:



a) Eskariak entregatzea:	urriaren 3tik 10era
b) Behin-behineko zerrendak argitaratzea:	azaroaren 3a
c) Erreklamazio eta subsanazio epea:	azaroaren 4tik 17ra
d) Behin betiko zerrendak argitaratzea:	azaroaren 23a
Haurren hasiera-data haurreskolan:	abenduaren 1a

Jaioberrien izenemateen kudeaketa(irailaren 26tik aurrera jaiotakoak):

Irailaren 26etik aurrera jaiotakoek urriaren 10etik aurrera izenematea haurreskolan aurkeztu ahal izango dute eta behin behineko edota behin betiko zerrendetara gehituko dira.

Azaroaren 16tik aurrera haurreskolan entregatzen diren jaioberrien izenemateak behin betiko zerrendak publikatu ostean(arazoaren 23an) kudeatuko dira, beti ere dagokion adin tartean plaza librerik balego.

2017ko urtarrileko izen-emate epea

2015, 2016 eta 2017 urteetan jaiotako haurren guraso edo legezko tutoreek Haurreskolak Partzuergoko zentroetan plaza eska dezakete.

- **Eskariak aurkezteko eta onartze-epeetarako egutegia**

Honako egutegi komun hau ezarriko da eskariak aurkezteko eta haurren onartze-prozeduraren epeetarako:

a) Eskariak entregatzea:	urtarrilaren 9tik 13era
b) Behin-behineko zerrendak argitaratzea:	otsailaren 1a
c) Erreklamazio eta subsanazio epea:	otsailaren 2tik 15era
d) Behin betiko zerrendak argitaratzea:	otsailaren 21a
Haurren hasiera-data haurreskolan:	martxoaren 1a

Jaioberrien izenemateen kudeaketa(abenduaren 31tik aurrera jaiotakoak):

Abenduaren 31tik aurrera jaiotakoek urtarrilaren 13tik aurrera izenematea haurreskolan aurkeztu ahal izango dute eta behin behineko edota behin betiko zerrendetara gehituko dira.

Otsailak 13tik aurrera haurreskolan entregatzen diren jaioberrien izenemateak behin betiko zerrendak publikatu ostean (otsailaren 21ean) kudeatuko dira, beti ere dagokion adin tartean plaza librerik balego.

Eibar, 2016ko martxoaren 15a

Cristina Uriarte Toledo
Haurreskolak Partzuergoko lehendakaria

Maite Larrañaga Orbea
Haurreskolak Partzuergoko idazkaria